

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 991201 23 I 2
Sarajevo, 26.08.2024. godine

Općinski Sud u Sarajevu, sudija Merdita Tufo, u izvršnoj stvari tražioca izvršenja Privatna stomatološka ordinacija sa zubotehničkim laboratorijem „PIROVIĆ“ Sarajevo, ulica Sime Milutinovića broj 4, vl. Mustafa Pirović, koju zastupa punomoćnik Edina Čagalj, advokat iz Sarajeva, protiv izvršenika E.DŽ. iz Sarajeva, radi izvršenja, na osnovu člana 126 i 130, a u vezi sa članovima 135., 82., 87., 88. i 89. Zakona o izvršnom postupku /»Sl. Novine FBiH« broj 32/03 od 18.07.2003. godine/, van ročišta dana 26.08.2024. godine, donio je:

Z A K L J U Č A K
o prodaji pokretnih stvari

ODREĐUJE SE DRUGO ROČIŠTE za prodaju pokretnih stvari izvršenika Edin Džedžibeg, koje se nalaze na adresi ulica Nadlipe broj 4, Sarajevo, putem usmenog i javnog nadmetanja i to:

1. Plakar dvodjelni (smeđi) 1 kom. procijenjena vrijednost - 150,00 KM
2. TV „Grundig 32“ 1 kom. procijenjena vrijednost - 300,00 KM
3. Klub stolprocijenjena vrijednost - 80,00 KM
4. Dvosjed, 1 kom.procijenjena vrijednost – 300,00 KM
5. Fotelja, 1 kom.procijenjena vrijednost – 150,00 KM

Zaključno sa rednim brojem 5 (pet).

ZA DAN PETAK, 04.10.2024. GODINE U 09,00. SATI

KOJA ĆE SE ODRŽATI U ZGRADI OPĆINSKOG SUDA U SARAJEVU UL. ŠENOINA BR. 1, KANCELARIJA BROJ 454/IV – SLUŽBA SUDSKIH IZVRŠITELJA.

1.Rješenjem Općinskog suda u Sarajevu broj 65 0 I 991201 23 I 2 od 09.10.2023. godine određeno je izvršenje pljenidbom, procjenom i prodajom pokretnih stvari izvršenika.

2.Konstatuje se da je sudski izvršni organ obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje i istovremeno procijenio vrijednost pokretnih stvari kako je to navedeno u ovom Zaključku, o čemu je sastavljen Zapisnik broj gornji od 04.01.2024. godine.

3.Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4.Sud će u smislu člana 77. ZIP-a, a u vezi sa članom 135. ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti

način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.

5. Pokretna stvar koja je predmet prodaje može se prodati bez ograničenja na drugom ročištu za javno nadmetanje u pogledu iznosa njene cijene.

6. Ponuđač sa najvećom ponudom će platiti cijenu za pokretnu stvar, odmah nakon objavljivanja rezultata.

7. Po uplati cijene Sud će donijeti rješenje o dosudi, a potom i rješenje o namirenju.

8. Ako pokretne stvari ne budu prodane na drugoj prodaji putem javnog nadmetanja/, sud će obustaviti postupak.

9. Na javnom nadmetanju kao kupci mogu učestvovati samo lica koja su prethodno dala osiguranje koje iznosi jednu desetinu utvrđene vrijednosti pokretne stvari koja se želi kupiti, s tim da iznos osiguranja ne može preći iznos od 10.000,00 KM. Uplata osiguranja se vrši na depozitni račun Općinskog suda broj **Br: 1 4 1 1 9 6 5 3 2 0 0 9 6 3 9 kod BBI banke** sa naznakom broja predmeta.

10. Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja /neposredne pogodbe, da ima u vidu to da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA
Merdita Tufo, s.r.

POUKA: Protiv ovog zaključka nema mjesta pravnom lijeku